

馬評王氏外科

症治全生集

馬氏評正外科全生集序

周禮天官瘍醫。掌腫瘍潰瘍金瘍折瘍之祝藥劑殺之。齊注云。劑謂刮去膿血。殺謂以藥食其惡肉。又曰。凡瘡瘍以五毒攻之。注云。醫方有五毒之藥。合黃蠶置石膽丹砂雄黃礬石慈石其中。燒之三日三夜。其烟上著。以雞羽掃取之。以注創惡肉。破骨則盡出。又曰。以五氣養之。以五藥療之。以五味節之。注云。既劑殺而攻盡其宿肉。乃養之也。五氣當作五穀字之誤。是上古瘍藥攻補兼施。無專用攻擊之稿證。予嘗慨醫藏一日。終今存者幾與釋道埒。惟瘍醫之書。其見著錄惟宋李迅集驗背疽方。寶漢卿瘡瘍經驗全書。元齊德之外科精義為近古。而

國朝王氏洪緒撰全生集。說尤完美。蓋是書務審病因。而辨章陰陽強弱。不失累黍。故世推為善本。武進馬培之先生。關脩道樞。營壘瑤錄。三世學醫。趾美彌篤。由是譽滿江南。一時叩門求藥者。踵武相接。俟色諛眉。莫不膏肓洞達。已而被詔入都。聲望益譽。廓其聞見。所療輒應。如登春台而上池飲也。其明年既告歸。家樹林阿。貞頤暇日。宏覽秘笈。思有述造。用詒末學。以王氏重用陽劑。發言過激。非古人和緩之意。奮以己意。攘剔瑕瑜。別白湯劑。條列於眉間。凡一月書成。以歸武林吳氏。付剞劂行世。夫陰疽流注。呼吸死生。俗醫剽竊一二禁方。妄施鍼石。固足殺人。即高明之士。競競守王氏一家言。亢厲自高。而於受病之本。因發病之形色。及夫陰陽向背。用藥節宣。禁忌之所宜。概置不講。其為伐天和而殘民命。亦挺刃之異耳。今得先生斯評。庶業醫者得所圭臬。不致塗塗墮墮。填其為功甚鉅。而先生所以自壽以壽人者。亦詎可量哉。刻既成。用述緣起如此。光緒九年。李春之月。蕭山湯紀尚拜啟。

叙孟河馬培之徵君評全生集

先緒丙子秋。兒子庚生病胃漲痛。百治不瘳。耳孟河馬培之先生醫聲。挈兒子就河莊求治。日坐先生旁。見其就診者。日

數百輩。其以瘍毒來證者。去尋丈外。即聽聲驗色。洞達癥結。訝其先燭之奇。聞詰之。因謂予瘡瘍之發。患實內蘊。病情神色。未有不達於面目者。故可望形而得之。其用藥非精熟靈素。按脈辨證。平章陰陽。無以應手輒效。如競競守一二古方。漫然施治。不莽莽乎。且外症實難於內科。非得真傳口訣。未易券獲。至於看法治法手法。亦非筆墨所能宣。刀針有當用。有不當用。有不能不用之別。如謂一概禁之。非正治也。如癰疽毒初聚。用針以泄氣。可冀消散。毒已成。針之易收口。若令自潰。必至膿腐穿破。瘡口卷斂。難以收功。古書固不可廢。而辨症尤為首務。議論所及。又謂王氏全生集一書。近時業瘍科者奉為枕秘。設遇症即錄方照服。既不應脈。亦不辨症。貽誤匪淺。集中所載陽和湯。犀黃丸。子龍丸。法非不善。而論症

究夫一偏白陷者概認作疽用陽和湯不知假寒真熱假熱真寒區別攸分陽和湯為溫散血中寒邪果係陰寒脈結服之或可消散如伏熱鬱熱之症皮色白者誤投之是速其潰也至已潰之症麻黃尤所必忌乳出起於肝鬱鬱久化火掣痛薑桂必不宜服肺癰乃金受火尅肺喜清肅倘肺有伏熱犀黃丸多潰氣之品詎非轉劫真陰乎子龍丸行水驅痰之劑祇可施之壯實如虛羸之質則吐瀉作而生氣損矣先生之論類如是皆發前人所未發而其首要貴審脈而已爰亟覓舊本首請詳註重刻行世以不負先生壽世之苦心工既竣因質述其平日之說以告世之讀是書者先生尚有驗方新編亦按部擇驗過之方增減重訂成集待刊云

光緒九年仲春上浣仁和吳恒仲英

序

余閱外科書夥矣而求其剖析陰陽辦理寒熱簡明切要者莫如此書靈樞癰疽之篇條緒繁多淺學難於尋識金匱祇列瘡癰腸癰兩種大意以深淺分陰陽而其旨未暢後人鑽研末由遂歧塗徑王氏獨紹絕學啟發靈局振墜扶危厥功鉅已嘉定王氏校刊本鄂中再刻之其論證互見未便繙閱家弟器之治此有年曾為區分門類頗有增損字句世稱善本嗣長洲蔣氏刻於蘇城伯寅弟翻雕於京師鄂中尚無此本余既刊各種醫書咸即急為付梓以廣流傳吳縣潘霖是編乃林屋山人出其家傳枕中秘不為自私自利之謀而亟亟焉以濟人為急務嘔出心肝盡情昭揭以陰陽辨癰疽之別以赤白明陰陽之著實能補古方書所未逮其詞簡其法易雖不明醫者亦開卷瞭然於心目也往歲余患骨槽風醫家投散風清火之品幾至危殆得是編如法治之乃瘥余頗信之厥後凡親友間遇有病癰瘰癧核流注背疽及一切陰發重症各告以照方施治無不立效余益信之乃者胡氏外孫女左股痛足不着地年餘矣既覺所苦處漫腫堅硬而皮色如故是編所謂貼骨疽無疑也亦照方投以煎劑丸散不百日而潰且斂矣余惟信之深而尤欲人共信之獨惜坊本率多亥豕之誤方謀訂正重刊廣為流佈外孫女欣然解囊全授余而請之適王君荆門曾有刊定本極精審遂付剞劂氏凡人有所樂為皆根諸心而其心之一於公者世不概見林屋山人是編之者可謂公之至矣今復以王君善校本付世俾親是編者人人知醫豈不一大快事乎哉外孫女年未及笄聰慧知書余嘉其信道之篤好善之誠因識刊刻顛末略書數語於簡端道光辛丑六月子仁氏黃鏞序

林屋山人憫人之混稱癰疽不知癰之與疽治法大相懸殊此辨晰癰是癰疽是疽於古方書未備而獨得之秘授者一

一出方濟世不使後人以訛傳訛千古竟同長夜非謂是書一出諸方書可盡廢也凡與世醫治法無有異同者不載古方書具在可徧觀而博取焉惟讀者好學深思心知其意爾子仁氏九月朔又識

余自幼聞癰疽有不可治之症名曰陰發五六歲時舅氏子京先生以骨槽風亡問之長老云久則成癆瘵也甲午歲子仁丈患骨槽風始其劇後索外科症治全生法治軌愈余取其書觀之乃知陽為癰陰為疽骨槽風亦陰疽類非由瘵發由發後服涼藥延久成瘵耳世人知陰發之名而不達陰發之治良可慨也適秦君立甫出其家藏別本余因據以參校互有得失其字之顯謬者改正之間有改而意仍未明及疑者有疑而未改者如大癰潰後治法兩本並云體虛年老者投參芪草皆災也夫托毒忌灸上已詳之而此忽云灸蓋承上痛息毒散腫退色轉紅活而言即體虛年老者亦必至是而後可用灸斷斷不可早用今改云體虛年老者治投參芪草更用灸勿仍謂虛者初起即當用灸也瘰癧治法第四條云即在手下之脚骨別本云即在手下突出之骨脚骨足附外高骨也突出之骨掌後銳骨也患瘰癧喉間手為近故從別本然足陽明脈亦循喉嚨下循腋外廉下足附拔疔散六和散兩方並有瓜蠅而他方或作血竭攷方書有作瓜兒血竭者知此蠅為蛄誤第如雄黃之名腰黃後集申之瓜蛄則無文本草亦無瓜蛄之名今並改血竭輕粉無毒而於黃連則云解輕粉毒文歧出攷本草亦云無毒而注云有毒黃連解今改無為有庶免眩惑牛膝治莖痛莖別本或改脛按莖中痛水道中痛也第曰莖似非莖中矣而本草主治列莖中痛此其脫中字乎癰疽方訣歸苓花粉節煎或麻黃膏甘草皆有節者此其甘草節乎銷喉方藥訣甘草各一錢別本作二錢本草當歸全者活血而是書云定血此俱未敢臆斷表弟時清甫於吳門買是書即立甫所藏本清甫又於書肆舊書中見是書與吳門所買本異欲買之以示余則即子仁先生藏本也重刻者不外此二本輾轉淆誤益不足據矣原本刻於乾隆五年子仁先生藏本則重刻於嘉慶五年立甫藏本不知其刻於何年是書流傳已百餘年而瘍醫都若未見何哉胡氏孤女所患久治不效按是書法治乃效既效欲刻余所校本以廣其傳爰更取二本嚴勘付梓而序其始末并識其疑以質世之精於醫者道光二十有一年辛丑七月朔日王浩荆門氏謹

洞庭王洪緒先生外科全生集舊有前後集各三卷所載癰疽各證分別陰陽虛實施治屢見奇功刊行海內者百餘年矣無如時醫庸妄不肯遵行而病者又專信耳食亦不能盡用往往自罹非命良可歎也余曩在吳門見蘇州府知事陳君源重刻此集自云十年前身患腰疽百藥不效蘇州名醫皆束手回覆奄然待斃而已後得此集用醒消丸半月全瘳

因發願重刻。然所刻係袖珍小版。字畫潦草。未盡善也。今年秋。童石塘太守。校刻汪訥菴醫方集解。本草簡要二書。屬余為校字。蓋因汪氏二集。為時人所便。幾於家有其書。而善本絕少。故為校刻之時。余長女字易氏者。患乳核。數年未愈。就醫來江南。用金生集中陽和湯方。服至八十劑。而痛止核小。頗見功效。他如陽和解凝膏之貼治陰疽。刻歡丸之立止牙痛。皆鑿鑿有效。因勸石塘并刊之。石塘自言其配前患乳癌。其幼子患流注。皆服陽和湯。貼陽和解凝膏。獲瘡遂欣然付梓。茲先寄刊成樣本來。披閱一過。見其編排次序。分論證治法。醫方雜證。製藥醫案。各為一類。校原刻前後多歧。頭緒紛亂者。已覺一目了然矣。其中俗體錯字。併為更正。實為此書從來未見之善本。真快舉也。惟余前所見金生集後。尚有喉科十八證治一卷。亦分陰陽二證。極其簡明。為今刻所未備。或當併求續刻。以成全璧。尤所厚幸也。道光乙巳季冬。兩淮淮南監製同知松滋謝元淮謹識。

自序

明劉誠意伯言。藥不對證。枉死者多。余曾祖若谷公。秘集云癰疽無一死證。而諸書所載。患生何處。病屬何經。故治乳癌。而用羚羊犀角。治橫痃。而用生地防己。治瘰癧。惡核。而用夏枯連翹。概不論陰虛陽實。惟憑經竝治。以致乳癌橫痃。成功不救。瘰癧惡核。潰久成怯。全不悔憑經之誤。夫紅癰乃陽實之證。氣血熱而毒滯。白疽乃陰虛之證。氣血寒而毒凝。二者以開腠理為要。腠理一開。紅癰毒平。痛止。白疽寒化。血行。彼憑經而失證治者。初以為藥之對經。而實背證也。世之患陰疽而斃命者。豈乏人乎。如以陰虛陽實。分別治之。癰疽斷無死證矣。余曾祖留心此道。以臨危救活之方。大患初起。立消之藥。一筆之於書。為傳家珍寶。余幼讀之。與世諸書治法迥別。歷證四十餘年。百治百靈。從無一失。因思癰疽憑經竝治。久偏天下。分別陰陽兩治。惟余一家。特以祖遺之秘。自己臨證。竝藥到病瘳之方。精製藥石之法。和盤托出。盡登是集。竝序而梓之。以質諸世之留心救人者。依方修合。依法法製。依證用藥。庶免枉死。使天下後世。知癰疽果無死證云爾。乾隆五年歲在庚申仲春朔日。林屋王維德洪緒氏書。

王洪緒先生。博古君子也。於陰陽造化之理。默契其蘊。所著永寧通書。卜筮正宗。林屋民風等集。久已風行海內。晚年勤於課子。琢如年兄。丁巳歲。與余同提禮闈。茲復出其外科證治全生示余。余素不知醫。然觀其書。係祖傳秘本。剖析陰陽虛實之理。最精且備。不用刀鍼。不施升降。對證立方。萬無一失。世之獲是書者。倘能依方修合。依證用藥。即窮荒僻壤。咸慶全生。洵乎癰疽無死證。而可以造福於無涯矣。雖然。癰疽諸書。特其緒餘耳。祇以心存利濟。故亟登諸梓。以公寰宇。至

其學術淵深。理趣洋溢。有未可淺窺者。惟貽厥孫謀。親承家教。當必科名接踵。甲第聯飛。明體達用。大發其英華。庶明月夜光。終不掩抑。而殷殷好善之意。亦可無負也。已是為序。

乾隆五年庚申孟春。賜進士第翰林院庶吉士年春姪宋邦綏拜撰。

余素不知醫。丙寅春。次兒自申江歸。行篋中置有王洪緒先生全生集。手鈔本。適五兒小腹上起一塊。數月漸大。如桃。醫藥罔效。時繙閱全生集。於此證亦缺如。蓋此書於外症多未備也。第其書明白簡易。辨陰陽虛實。如涇渭然。因怪此書何無板行於世。曰兵燹後。板已無存。同志多欲重梓者。丁卯。次兒復客申。以揚州小板及諸同人。助刻貲寄余。且請校對。余念揚板已漫滅。不可讀。因為正其魯魚。亟付剞劂。以成諸同人義舉。且喜是書復行於吳。并得行於粵。即素不知醫者。按圖索驥。了然心手。生之所全。當更無限量云。

同治七年歲在戊辰夏四月。味閒主人并識。

凡例

一癰疽之治。截然兩途。世人以癰疽連呼並治。夫癰疽二字之連呼。即夫妻二字之連呼也。若以癰藥治疽。猶以安胎之藥。服其夫矣。是集以癰疽分別兩治。皆執證執方之治法。如照法法製。照證用藥。救人之功。余不敢分害人之罪。余當獨認情願。萬劫披毛。甘受屠家誅戮。

一輯是集。專論陰虛陽實。認定初起紅白兩色。是癰是疽。治即全瘳。所載諸方。皆藥到病瘳。切勿增減。逐證治法。開卷了然。不必投師。人人可精此道。

一諸書惟馮氏錦囊。內附陰疽論。與余家遺秘相符。獨無消疽之方。惟以溫補兼托為法。且疽初起。如即平塌。安可用托。托則成功。余家之治。以消為貴。以托為畏。即流注瘰癧惡核。倘有潰者。仍不敢托。托則潰者雖斂。增出者又如何耶。故以消為貴也。

一外科之虛實。發現在外。治之法。集中詳細。不必諳脈。儘可救人。故痘症之險。悶順逆。眼科之心肝脾肺腎。皆現於外。故亦不診脈也。好學者察色。則知症治。無不痊。

一醫可寄生死。閱坊刻外科。妄稱正宗。載云。證現七惡。即死。又載以銅油燒紅衣鍼。鍼痰塊半寸。用降藥為條。插入鍼孔。七日。塊自開裂。再以條插七日。其核自落。又稱毒在皮裏肉內。刀割深要寸許。方能洩毒。殊不知毒在皮裏膜外。或底

開刀尚忌深過三分。恐傷內膜。若深入寸許。傷透內腑。病人何能堪此極刑。七惡之現頃刻。世之宗其法者。盡屬創徒。此集惟行用刺。此外概不輕用刀鍼。並禁用升降二丹。令人痛爛二藥。

一偏身所患。止有紅白兩色。紅者癰。白者疽。癰疽即其名也。有謂無名腫毒者。因未識其陰陽也。

一書無論背項腰腹。色白者言疽。以疽藥治之。紅腫者言癰。以癰藥治之。坊刻書稱以某藥與服不應。再易其藥。豈非以人試藥乎。倘患主要緊穴道。安可遭藥幾試。望高明詳之。

一世無爛久之癰。惟疽初起失消。或遭降災鍼割。以致年久不斂。治之方。詳載集中。

一外科藥證外。另有雜證五十方。俱一服即效者。附梓集中。並無以人試藥之誤。望有力者。照方合就。遇病施送。如鈔方傳人。註明製法。

一此集所到之處。見信者自然藥至病除。更願處處翻刻。速徧海內。使瘡毒無枉死之人。余願始遂。余年七十有二矣。治病歷四十餘年。用藥從無一誤。或疑藥味香散猛烈。畏而不服。則是養癰貽患。非余之咎也。

一載癰疽咽喉疔毒結毒諸瘡痔漏等症。皆藥到病愈之方。其雜症及臨症後所附諸病諸方。亦一服即效者。付梓集中。內無以人試藥之誤。望有力者。照方合就。對病施送。或止取藥本。或鈔方傳人。註明法製。

一書所有之藥法製極詳。不可忽略。宜細心照法精製。藥純效速。

一傷寒症有轉經傳變。故有醫不執方之說。至如外科雜症。全賴識症執方。余年七十有二。治病經歷四十餘年。用藥從無一錯。故敢輯是集。以公諸世。因名症治全生。

重訂凡例

一是集流行已久。縉紳之家。幾於家置一編。每遇外症。照方抄服。幸而獲效。羣以為神。即或致誤。不尤方之刺謬。而咎症之無治。庚生侍。先生臨症數年。每見發背乳岩等症。誤服陽和湯犀黃丸而敗者。不可勝算。心甚憫焉。特覓善本。請

先生評正刊刻。庶讀是書者。知所採焉。

一不能以紅白二色分陰陽也。是集大旨。以分陰陽為主。而其分之法。則不辨脈息。不分虛實。惟以色之紅白為定。不知陽中有陰。陰中有陽。有真熱有假熱。有真寒有假寒。若一概以色之紅白為分。何能無誤。

一此科不能不明脈理。無論癰疽瘡瘍。症雖現於外。病必由於內。即幾微之疔毒癰疥。亦必內有火毒濕熱。而後外發其

未發之先。脈必先見洪數弦滑等象。更有外症雖輕。而本原大虧者。有內病與外症交發者。若非細脈辨理。何以別虛實寒熱。標本先後乎。乃曰不諳脈理。儘可救人。真如夢囈。

一外科不能不讀靈樞素問。肺癰肺疽。肺痿。細辨脈象。自知。金匱云。問曰。寸口脈數。其人欬。口中反有濁唾涎沫者。何。師曰。為肺痿之病。若口。辟辟燥。欬。即胸中隱隱痛。脈反滑數。此為肺癰。欬唾膿血。脈數虛者。為肺痿。數實者。為肺癰。是肺癰之候。察脈便知。有。何難覺。而曰。諸患易識。肺疽難覺。耶。惟其不諳脈理。不讀靈素。以致如是。

一是集傳流已久。輾轉清訛。貽誤匪淺。爰覓道光中。裘氏本。重加訂正。其分兩一切。悉仍其舊。惟加評語。以便採擇。一。是集所選方藥。半係瘍科。必不可少之方。其未加評語者。方均平妥。可用。惟藥性。泡製諸法。太覺簡略。當照本草。備要。雷公。泡製。為是。

一千方易得。一效難求。雖出諺語。實醫家之章本也。余留心醫道。屢效而無一失者。盡錄是集。其專治一症者。已隨症載明。若一方兼治幾症者。則另登於左。以備覽焉。

王洪緒先生外科證治全生目錄

論證

癰疽總論

治法

陰疽論名

部位論名

爛潰不斂治法

患孔毒根治法

翻花起肛治法

毒氣攻心治法

癰癰治法

陰疽治法

石疽治法

惡核治法

流注治法

疔毒治法

紅絲疔治法

刀鐮疔治法

走黃治法

諸瘡治法

瘡鼓治法

楊梅結毒治法

疽毒治法

赤遊治法

漆瘡治法

火珠治法

湯火治法

凍瘡治法

禁用千鍾膏鯽魚膏

上部治法

癰疽頭及髮疽治法

喉痺治法

蛀髮癰治法

蠟梨瘡治法

頭面肥瘡治法

喉珠治法

咽喉治法

喉閉治法

牙癰辨治

乳蛾治法

喉癰治法

遮顙發顙治法

鎖喉治法

纏喉風治法

牙癰辨治

骨槽風治法

瘰癧治法

遮顙發顙治法

茸後銳毒治法

走馬牙疳治法

鵝掌風治法

鵝爪風治法

天蛇頭治法

甲疽治法

脫骨疽治法

中部治法

井泉疽治法

下部治法

橫痃治法

鶴膝風治法

流火治法

醫方

陽和湯

觀音救苦丹

聖靈丹

勝金散

山蓮散

合掌散

金霜散

洞天鮮草膏

聾耳散

真珠散

取齒丹

口舌藥方

加味四物湯

肺疽治法

發背治法

乳出治法

乳癰治法

乳懸治法

小腸疽治法

懸癰治法

子癰治法

囊脫治法

痔漏治法

貼骨疽治法

魚肚癰治法

臙瘡治法

驢眼治法

牛程蹇治法

陽和丸

醒消丸

犀黃丸

小金丹

子龍丸

洞天救苦丹

大棗丸

回疔散

拔疔散

奪命湯

三黃丸

五通丸

蟾酥丸

梅花點舌丹

紫金錠

五音錠

一筆消

咬頭膏

代刀散

紫藥

象皮散

六和散

推車散

五寶散

拔毒散

二美散

五美散

金銀散

神仙棗

紅棗丸

平安餅

枯痔藥

退管方

消管丸

陽和解凝膏

白玉夾紙膏

化核膏

白化膏

紫微膏

麝蘇膏

消管方

癰酒方

鱗角膏

喉證方

壁錢散

赤霜散

又方

南星散

骨鯁方

固齒散

刻歡丸又名過街笑

舌上出血或鼻衄方

小兒口疳方

楊梅瘡敷藥

千金內托散

二陳湯

四物保元湯

又保元湯

十全大補湯

六味地黃丸

龍膽瀉肝湯

敗毒湯

調經種子方

瘡瘡藥

痰中有血方

偏正頭風方

又方

跌打骨斷方

烏沙瘰方

夜啼兒方

老年便燥方

製藥

銅青

水銀

元精石

伏龍肝

知母

白芨

柴胡

延胡索

細辛

丹皮

澤蘭

求嗣得嗣法

黃疸立效方

溺血頭痛如裂方

疳膨食積方

夢遺方

冷哮方

水瀉立瘡方

砂雪丸

小兒浮腫方

黃丹

輕粉

寒水石

甘草

白朮

三七

前胡

紅花

當歸

木香

荆芥

黎洞丸

紅白痢及痢息痢方

偏身疼痛方

又方

白濁方

胃寒嘔吐黃水方

大麻風方

啞驚丹方

難產神效方

鉛粉

銀朱

硼沙

黃芪

蒼朮

黃連

防風

水紅花子

芫荽

高良薑

薄荷

祛風逐溼散

手足骨節疼痛方

閃頸徒腰方

欬嗽神效方

狗咬方

小兒目疾方

蜜陀僧

雄黃

硫黃

人參

元參

黃芩

獨活

羌活

貝母

白芷

縮砂仁

紫蘇

化瘡膏

癰癰證方

箭風痛方

赤眼淹纏方

天絲入目方

腸紅方

小兒冷疳方

又方

三日大瘡方

吐血立瘡方

雷頭風方

胃腕痛方

塵屑入目方

翻胃初起方

小兒蟲證方

小便閉方

丹砂

硃石

綠礬

桔梗

丹蔓

天麻

苦蔓

龍膽草

赤芍

藿香

陳艾

茵陳 益母草 淡竹葉 大黃 川附子 黑白牽牛仁 木通 仙人對坐草 小黑豆 蒲公英 橙子 吳茱萸 松香 白膠香 厚樸 桑白皮 白茯苓 土蜂窠 推車蟲 穿山甲 真珠 山羊矢

青蒿 麻黃 蜀葵 商陸 川烏 番木鱉 防己 穀芽 白豆豉 紅棗 陳皮 甘蔗 肉桂 冰片 金鈴子 柘樹 赤茯苓 五倍子 癩團即癩蝦蟆 蛇蛻 田蠶 線膠

夏枯草 燈心 車前子 大戟 草烏 天花粉 金銀花 浮麥 神麴 杏仁 青皮 蓮鬚 官桂 乳香 杜仲 枳實枳殼 茯神 蠶蟲 白花蛇 雞裏金 皮脂即烟膠

牛蒡子 地黃 馬鞭草 甘遂 半夏 天鼈冬 藤黃 麥芽 紅麴 松子仁 山植 芡實 沈香 沒藥 棟樹根 枸橘 琥珀 蜘蛛 蚯蚓 石首魚 白丁香 象皮

續斷 羊膝 連翹 蓖麻子 蚤休 土茯苓 澤瀉 大麻仁 白芥子 烏梅 橄欖 山藥 丁香 血竭 皂角刺 山梔皮 天竹黃 蟬蛻 蚯蚓糞 朱鼈 五靈脂 麝香

蒼耳子 麥鼈冬 紫花地丁 常山 五味子 白斂 海藻昆布 薏苡仁 生薑 楊梅 檳榔 柏子仁 樟腦 阿魏 巴豆 莢肉 蜂房 蠍子 龍骨 牡蠣 山羊血 貓矢

鼠矢

醫案

喉症醫案

發背醫案

痘毒醫案

頭髮

髮疽醫案

腰疽醫案

陰腫醫案

指甲

癰癰醫案

流注醫案

囊脫醫案

人中黃

痰核醫案

起肛醫案

湯傷醫案

人中白

惡核醫案

乳出醫案

橫痃及楊梅瘡醫案

論證

癰疽總論

癰疽二毒。由於心生。心主血而行氣。氣血凝滯而發毒。患盤踞徑寸者。紅腫稱癰。癰發六腑。若其形止數分。乃言小癰。按之陷而不即高。頂雖溫而不甚熱者。膿尚未成。按之隨指而起。頂已軟而熱甚者。膿已滿足。無膿宜消散。有膿當攻托。醒消一品。立能消腫止痛。為療癰之聖藥。白陷稱疽。疽發五臟。故疽根深而癰毒淺。根紅散溫者。氣虛不能拘血。緊附也。紅活光潤者。氣血拘毒出外也。外紅裏黑者。毒滯於內也。紫黯不明者。氣血不充。不能化毒成膿也。膿色濃厚者。氣血旺也。膿色清淡者。氣血衰也。未出膿前。癰有膿裏火毒之滯。疽有膿裏寒痰之凝。既出膿後。癰有熱毒未盡。宜托。疽有寒凝未解。宜溫。既患寒疽。酷暑仍宜溫煖。如生熱毒。嚴冬尤喜寒涼。然陰虛陽實之治。迥別。古書未詳。因立其旨。備覽焉。諸疽白陷者。乃氣血虛寒凝滯所致。其初起毒陷陰分。非陽和通腠。何能解其寒凝。已潰而陰血乾枯。非滋陰溫暢。何能厚其膿漿。蓋氣以成形。血以華色。故諸疽平塌。不能化毒者。陽和一轉。則陰分凝結之毒。自能化解。血虛不能化毒者。尤宜溫補排膿。故當潰膿。毒氣未盡之時。通其腠理之藥。仍不可緩。一容一縱。毒即逗留。一解一逐。毒即消散。開腠理而不即溫補。氣血虛寒。何以成膿。猶無米之炊也。滋補而不兼開腠。僅可補其虛弱。則寒凝之毒。何能覓路行消。且毒盛者。則反受其助。猶車粟以助盜糧矣。滋補而不兼溫煖。則血凝氣滯。執作膿膿之具。猶之造酒不煖。何以成漿。造飯無火。何以得熟。世人但知一概清火以解毒。殊不知毒即是寒。解寒而毒自化。清火而毒愈凝。然毒之化。必由膿。膿之來。必由氣血。氣血之化。必由溫也。豈可涼乎。況清涼之劑。僅可施於紅腫癰癤。若遇陰寒險穴之疽。溫補尚虞不暇。安可妄行清解。反傷胃氣。甚至陽和不振。難潰難消。毒攻內腑。可不畏歟。蓋脾胃有關生死。故首貴止痛。次宜健脾。痛止則惡氣自化。脾健則肌肉自生。陽和轉盛。紅潤肌生。當投補養氣血之劑。若犀角羚羊連翹等性寒之藥。咸當禁服。

陰疽論名

陰毒之證。皆皮色不異。然有腫與不腫者。有痛與不痛者。有堅硬難移。不柔軟如綿者。不可不為之辨。夫腫而不堅。痛而難忍者。流注也。腫而堅硬微痛者。貼骨鶴膝橫痃骨槽等類也。不腫而痛。骨節麻木。手足不仁者。風溼也。堅硬如核。初起不痛者。乳岩爛癰也。不痛而堅。形大如拳者。惡核失榮馬刀也。不痛不堅。軟而漸大者。癰癤也。不痛而堅。堅如金石。形大

如斗升者。石疽也。此等證候。盡屬陰虛。無論平塌大小。毒發五臟。皆曰陰疽。如其初起疼痛者。易消。重按不痛而堅者。毒根深固。消之不易。治之之法。集有一定不易之方在焉。

部位論名

毒生頭頂。有髮疽之名。頸項有落頭對口。腦疽之號。鴨卵因夾毒於腋中。魚肚緣患生於腿肚。失榮獨在項間。夾疽雙發。喉側夾根。原因脚骨。潰有驢眼之稱。牛程毒匿脚皮。正有湧泉為號。腹癰指腹箭袋云偏。臭田贏大母指之爛名。扁擔怪。肩穴中之癰毒。鬚前疽。耳後發腿曰腿癰。下稱跨馬。白謂冬瓜。手發背。脚又疽。偷窺老鼠。又號懸癰。漏稱海底。指說蛇頭。甲謂甲疽。膝蓋腫云鶴膝。腎子疼云子癰。馬刀癰於臉上。骨槽風於牙牀。井泉疽患登心口。貼骨疽毒踞環跳。腎尖毒則曰腎疽。臂上癰乃云臂毒。諸名由部位以推。治法務憑紅白。初起未潰當觀現在之形。已潰潰久。須問初起之色。初起色紅。仍施癰藥。初發色白。當用疽丹。奏效如響。

凡大癰潰後。世人多投多芪。災草。或用半災半生。殊不知托裏散內用人漫者。並非以漫補虛。不過以漫助芪。添其托毒之力。卻無補毒之害。災芪止補氣而不能托毒。災草止補中而不能解毒。倘毒氣未盡。誤投災芪。災草。或用保元十全等湯致毒反得補助。毒攻內腑。則如之何。凡遇初潰大癰。宜止其痛。痛息則毒散。其腫亦退。色轉紅活。體虛年老著。投漫芪卓皆災也。如體旺家貧者。無參亦易收功。

治法

爛潰不斂治法。如爛潰不堪之患。以洞天救苦丹三服。每服三錢。陳酒送服。醉益取汗。隔兩日又送一服。再隔兩日再送一服。所空隔之兩日。以醒消丸每日。一服。服後毒水流盡。七日後再服醒消丸兩次。接服大棗丸。每日早晚各進五錢。最危險者可奏奇效。

患孔毒根治法。爛孔有惡肉凸起。名曰毒根。往往有用降藥爛去者。此乃殺之欲速也。獨不知弱體豈可增痛。況爛去仍欲長出。安可再爛耶。唯平安餅專貼毒根。外以陽和解凝膏貼掩。一日一易。輕者二三日。重者六七日。不癢不疼。毒根自落。貼餅時。日服托毒散。俟毒根落後。當服保元四物二湯收功。

翻花起肛治法。年久不斂。定翻花起肛。堅硬。取老蟾破腹連肚雜。以蟾身刺數孔。蓋貼患口。輕者日易一次。重者日易兩次。貼蟾之日。日服醒消丸止其疼痛。三日後毒盡。再服醒消丸。每服三錢。陳酒送服。消其翻花。軟其硬肛。功效不凡。

也如大患初潰者亦如前法毒從蟾孔而出倘肛口硬患孔深取活牛茅草枝葉或取紫花地丁嫩草搗爛塗入肛內皆拔毒平肛牛茅草即大力子草俗呼氣殺醫生草

毒氣攻心治法

凡受降藥毒定致神昏嘔吐此係毒氣攻心急用護心散綠豆粉一兩乳香末五錢燈心炭三錢研和生甘草一兩煎膿汁調末令病者時刻呻吟嚔嚔至大半自然止嘔神氣清爽然後接服醒消丸以平其勢

癰癤治法

凡患色紅腫疼痛根盤寸餘者是癰毒發三四日尚未作膿以嫩膏圍外內以醒消丸熱陳酒送服三錢即止其痛夜間得睡次日患皮起皺再服全消如過四五月患將作膿亦以醒消丸與服消其四圍腫硬痛息毒散患平此以大變小之法有膿之患頂取咬頭膏貼加以代刀散三錢酒服穿之或以刀點分許穿之以洞天膏貼不幾日收功如患盤數寸者或居背心喉後腰腹肚腹陰囊等險之穴用五通丸醒消丸早晚以敗毒湯輪送一次皮皺痛息再服至痛倘潰即用托毒散醒消丸亦早晚輪服如患盤不滿一寸亦紅腫者是癰瘡九梅花點舌丹皆消腫止痛

陰疽治法

初起之形闊大平塌根盤散漫不腫不痛色不明亮此疽中最險之症倘誤服清涼其色變如隔宿猪肝毒攻內腑神昏即死夫色之不明而散漫者乃氣血兩虛也患之而不痛而平塌者毒痰凝結也治之之法非麻黃不能開其腠理非肉桂泡薑不能解其凝結此三味酷暑不可缺一也腠裏一開凝結一解氣血能行則凝結之毒隨消矣治疽之方悉列於後照方治無不瘡如增減定無功效

石疽治法 此疽初起如惡核漸大如拳急以陽和湯犀黃丸每日輪服可消如遲至大如升斗者仍如石硬不痛又日久患現紅筋則不治再久患生斑片自潰在即之證也潰即放血三日內而斃如現青筋者可治內服陽和湯外以活商陸根搗爛加食鹽少許敷塗數日如瘡半月皺皮日數日輟而有膿袋下以銀鍼穿之當用千金托裏散加熟地生芪各一兩煎湯煎藥服十劑後以陽和解凝膏貼滿患上空出鍼穿之眼使其外皮血活因皮膜中似成膿者須用布捲膏外綁緊使皮膜相連內服大補保元等湯湯漫患忘服至收功如其毒氣未盡忌投補劑

惡核治法

大者名惡核小者名瘰核與石疽初起相同然其寒凝甚結毒根最深卻不易潰未潰之前忌貼涼膏忌服涼藥內服陽和丸犀黃丸可消亦有以大田贏搗爛敷塗消之者大忌開刀開則翻花起肛口用大蟾破膜刺數孔連

雜蓋患拔毒軟肛內服溫補托毒消痰之劑

犀黃丸儘可收功凡內有麝香孕婦忌服

流注治法

流注色白腫痛者是也毒發陰分蓋因痰塞清道氣血虛寒凝結一曰寒痰一曰氣毒其初起皮色不異唯

腫唯疼雖身體發熱內未作膿以二陳湯加陽和丸同煎數服全消消後接服小金丹七丸杜其續發如皮色消變極痛難忍者須服陽和湯以止其痛消其未成膿之毒氣使已成膿者至不痛而潰此乃以大疽變小之法如患頂軟即為穿之膿多白色以陽和膏日貼但此證潰後定增毒痰流走患生不一故初潰之後五日內仍服小金丹十丸以杜後患接用犀黃丸陽和湯每日早晚輪服使毒痰消盡不補可必收功倘幼孩不能服煎劑者初起以小金丸化服至消乃止但成膿者亦日服以消其餘硬使患不痛自穿俟其毒氣去盡用保元湯芪草宜生忌加入肉桂五分日服收功如孕婦患之當問懷胎月數倘未滿六箇月犀黃丸有麝香不可服服防墮胎當以陽和湯瘡之瘡後再服三四劑以代小金丹杜其流走

疔毒治法 疔毒其害最速生面目耳鼻之間顯而易見生肩足衣遮之處隱而不知知覺早者晨醫夕瘡遲者枉死甚多故婦女而患暗疔者誤認傷寒致毒攻心走黃黃即毒也不救如頭面唇鼻肩臂手足等處生一炮或紫紅或黃黑者疔也初起刺擠惡血見好血而止取拔疔散插入以膏掩之次日疔毒化膿而瘡

紅絲疔治法 手小臂足小腿生如紅線一條者名曰紅絲疔要在紅絲始末兩頭刺破毒隨血出而瘡遲則毒入腸胃不救凡屬疔宜服奪命湯

刀鏢疔治法 疔形潤如韭菜長有寸餘肉色黑紫者名曰刀鏢疔忌行鍼刺以生礬三錢葱白七根共搗爛作七塊葱湯逐塊送下益汗如無汗再飲葱湯催之汗出為度取爛雞矢塗患立瘡遲治毒歸心腑致命

走黃治法 疔毒發腫神昏謂走黃如在將昏之間急取回疔散二錢白湯送服少刻大痛痛則許救毒化黃水痛止即活

諸瘡治法 夫瘡疥之生本由於溼故南方卑下之地患者最多諸書皆言溼熱所致方中皆用生地涼血未見瘡者或以重菴為法重瘡雖瘡致毒歸腹定成瘡鼓凡患諸瘡宜戒沐浴浴則溼氣愈重難以速痊痊後再戒月餘庶免復發忌食雞羊蝦蟹一應發毒新鮮等物及房事其有膿窠癰疥綉毬風猴猴瘡溼風頑癬蛙髮癬小兒疳肥瘡蠟梨火珠凍瘡瘰癧瘡爛腿漆瘡諸證後列之方皆瘡諸証

瘡鼓治法 其證當以紅棗丸治之倘遇瘡鼓危甚不及待藥與服當覓大蟹四五隻約重斤餘令其白湯煮食飲酒蓋暖睡不兩時身上發瘡更甚於前而鼓全消仍以瘡治至瘡夫瘡鼓危證也至瘡則易瘡